

**ACTA DA SESIÓN ORDINARIA CELEBRADA POLA COMISIÓN INFORMATIVA PERMANENTE DE URBANISMO, VIVENDA, INFRAESTRUTURAS, PARQUES E XARDÍNS E MEDIO AMBIENTE O DÍA 19 DE DECEMBRO DE 2013 ÁS 13.45 HORAS.**

Sendo as trece horas e corenta e cinco minutos (13.45) do día 19 de decembro de 2013, reúnese en sesión ordinaria convocada ao efecto a Comisión Informativa Permanente de Urbanismo, Vivenda, Infraestruturas, Parques e Xardíns e Medio Ambiente, coa asistencia das/os concelleiras /os que de seguido se indican.

**Concelleiras/os asistentes:**

**Vocais**

<b>Grupo municipal popular</b>	<b>Grupo municipal socialista</b>	<b>Concelleiras/os adscritas/os</b>	<b>non</b>
Santiago V. Amor Barreiro	José Manuel Miñones Conde	Xosé Anxo Doval Rey	
Alfredo Taboada Alvelo	Isabel Gonzalez Cancela	Ramón García Argibay	
		Emilio Martínez Carballeira	

**Presidente:** Alfredo Taboada Alvelo

**Secretaria :** Rosa Ana Prada Queipo

**ORDE DO DÍA:**

**Punto primeiro.- Aprobación, se procede, de actas anteriores.**

Por maioría absoluta se presta aprobación á acta da sesión de 22 de novembro de 2013, coa abstención por non ter estado presente nesa sesión de Santiago V. Amor Barreiro e Xosé Anxo Doval Rey e o voto favorable dos restantes asistentes á comisión informativa.

**Punto segundo.- Participación no Plan provincial de cooperación ás obras e servizos de competencia municipal (POS) 2014.**

Toma a palabra **Santiago V. Amor Barreiro** para expoñer que figura no expediente a memoria do POS 2014 e que estiveron a disposición dos concelleiros os proxectos para o seu análise.

Intervén o concelleiro **Anxo Doval Rey** para substancialmente dicir que neste POS non se contempla ningunha obra de saneamento, que tampouco se contemplou no plan anterior, argumentando xa o ano pasado que esas obras faríanse co canon da licitación do abastecemento e saneamento que aínda hoxe non está licitado e considera imprescindible volver a facer obras de saneamento que son ademais a razón de ser deste plan e que segue botando en falta a existencia dun plan ou programa de prioridades.

Intervén o concelleiro **José Miñones Conde** para substancialmente dicir que neste plan, como no ano anterior, non figura ningunha obra de saneamento. Que xa no ano anterior o goberno argumentou que esas obras se farían con cargo ao canon da licitación da auga, licitación que leva mais de un ano de retraso e que, na mesma liña do concelleiro Anxo Doval, solicita que volvan a incluírse no POS obras de saneamento.

Tras un breve cambio de impresións, o asunto é ditaminado favorablemente por maioría simple, cos votos a favor dos 2 representantes do grupo municipal popular e a abstención do resto dos asistentes á comisión informativa.

E non habendo mais asuntos de que tratar o señor presidente da por rematada a sesión ás catorce horas do día de referencia de todo o que eu como secretaria certifico.